



UPA 2015/135

Justus Hansen

13. maj 2015

Naalakkersuisut Inatsisartullu qanoq ICC-p 2014-imi ataatsimeersuarnerani inaarutaasumik nalunaarusiaani Kitigaaryunnit Nalunaarummi anguniagassatut allattorsimasut anguneqarsinnaanissaanut qanoq suleqataasinnaanersut kiisalu issittumi inatsisartut naalakkersuisullu allat suleqatigalugit issittumilu annerusumik suleqatigiilernissaq pillugu oqallisissiatut siunnersuut.

(Inatsisartunut ilaasortat Sara Olsvig aamma Mimi Karlsen, Inuit Ataqtigiit)

Aallarniutigalugu paatsuugassaannngitsumik siunnersuuteqartunut oqaatigerusuppara: Inatsisartut Naalakkersuisulluunniit suliassarinnngilaat kattuffiit naalakkersuinnermut attuumassuteqannngitsut anguniagaat - matumani ICC-p anguniagai - piviusunngortissallugit.

ICC sukkulluunniit innersuussuteqarsinnaavoq, kaammattuisinnaavoq, anguniakkanik innersuussuteqarsinnaavoq kisianni ICC-p oqaasissaqarfiginnngilaa suna politikki Issittumi imaluunniit Kalaallit Nunaat pillugu ingerlanneqassanersoq.

Taamatulli oqareerluta Demokraatini iluarisimaarparput, Naalakkersuisut pingaartimmassuk issittumi nunat eqqaamiutta qanimut suleqatiginissaat aamma issittumi eqiigalluni nunatta suleqataanissaa.

Aamma Demokraatini iluarisimaarparput Naalakkersuisut issittumi nunanik eqqaamiutsinnik suleqateqalereersimammat pillugit assigiinnngitsut Kitigaaryuit Isumaqatigiisummi takuneqarsinnaasut. Suliap taassuma annerusumik tusarfiginissaa tigussaasumillu saqqummiisoqarnissaanut qilanaarpugut.

Taakkuupput Demokraatini oqallinnermut massakkuugallartoq oqaatigiumasagut.